

Le loup et l'agnet

G. Albert Ravanat, né à Eybens (1845-1894).

In agnet qu'ayet sei, pe trovâ d'aigua claire,
Allissi vers la Venci (1) et se bettit a beire,
 Quan t'in gros Loup vint à passâ
 Que n'ayet incou rian migea,
 Et que flairi t'in bon morcet
 En veyan l'autro tot solet.

— « Prequ'eyt'o que te vin gabollié d'in queu ri ?
« N'auria te pas miû fat de demora chiu ti ?

 Di l'anima plein de violenci,
 « Te vas payié ton insolenci ! »

— « Mais mon brâvo monsiû, dit l'Agnet qu'ayet pou,
« N'allâ don pas, siou plait, vo marcorâ du coup ;

« Ne veyie-vo don pas que je sey venu beire
« Bian en dava de vo !... Eyt pro facilò à veire,
« Je ne gabôllio pas... je beive, veytia tot ».

 — « L'aygua eyt tribla, te dio ;
 « D'ailleurs t'à la lingua trop granda,

« T'a dit de mâ de mi, l'an passâ pe Chalanda !...

— « I vo z'ou bian trompâ, monsiû, vo z'en repondo,
« Coma l'aurieu-jo fat, n'étien pas de queu mondo ? »

— « Si n'eyt pas ti, je pârio queyt ton frère ».

— « Ma mère n'a point fat. » — Tian neyt pas mon affâre !...
Alors eyt tou parin,

 « Si n'est pas iello, eyt tou veyzin,

« Ti, ton pastre, ton chin, avoey tot lo villageo,

 « Pe me petafinâ mettriâ tot en usageo,
 « J'ù savo, et, si te voû, brama ton oraison
 « Te va zy passâ, mon garçon ».

Quan lo Loup ut feni

I preyt l'Agnet et lo nâfri.

Faut-être lo plus fort, Piarre, p'avé raison :
N'obleye pas que la lecion.

(1) Vence, ruisseau au pied des coteaux de Quaix.